

三  
國  
志  
注  
補

三國志注補卷五十

仁和趙一清誤

吳志妃嬪傳第五

與弟景居

寰宇記卷九十一姑蘇山西北十二里胥口東岸有漢奉車都尉衡州刺史吳輝墓輝字光脩丹陽太守吳景父也

注會稽典錄曰

隋書經籍志會稽典錄二十四卷虞豫撰

注策功曹魏騰

魏騰吳範傳作滕御覽卷一百八十九亦作滕

父瓌

何云嬰音警

注嬰子承撰後漢書

困學紀聞云謝承父嬰爲尚書郎每讀高祖及光武之後將相名臣策文通訓條在南宮祕於省閣唯臺郎升復道取急因得開覽漢尚書作詔文尚書郎乃今中書舍人閻若璩曰謝書一百三十卷陽曲傅山謂永樂間揚州曾有刊本一清案傅徵君非妄言者曾與靜田鄭王臣晤於京師渠云閩中舊家有此書彼親見來記此以爲他日訪求之迹

弟承拜五官郎中稍遷長沙東部都尉武陵太守撰後漢書百餘卷

隋書經籍志謝承後漢書一百三十卷無帝紀又集四卷

注會景還以景前任仕丹陽

何氏校衍仕字

注而琨十下兵多

十字何氏校改手

注乃復用景召琨還矣

矣字當作吳

注至於蕪湖督

於字衍

故久見愛侍

侍一本作待

葬於蔣陵

六朝事跡云蔣廟西南孫陵岡上有步夫人墩墩之側有夫人冢

諸姬有寵者皆出居外

拾遺記吳主趙夫人丞相達之妹善畫巧妙無雙能於指閒以綵絲織雲霞龍蛇之錦大則盈尺小則方寸宮中謂之機絕孫權常歎魏蜀未夷軍旅之隙思得善畫者使圖山川地勢軍陣之像達乃進其妹權使寫九州江湖方嶽之勢夫人曰丹青之色甚易歇滅不可久寶妾能刺繡作列國方帛之上寫以五嶽河海城邑行陣之形既成乃進於吳主時人謂之針絕雖棘刺木候雲梯飛鳶無過此麗也權居昭陽宮倦暑乃褰紫綃之帷夫人曰此不足貴也權使夫人指其意思

焉荅曰妾欲窮慮盡思能使下綃帷而清風自入視外無有  
蔽礙列侍者飄然自涼若馭風而行也權稱善夫人乃折髮  
以神膠續之神膠出鬱夷國接弓弩之斷弦百斷百續也乃  
織爲羅縠累月而成裁爲幔內外視之飄飄如煙氣輕動而  
房內自涼時權常在軍旅每以此幔自隨以爲征幕舒之則  
廣縱一丈卷之則可內於枕中時人謂之絲絕故吳有三絕  
四海無儔其妙後有貪寵求媚者言夫人幻耀於人主因而  
致退黜雖見疑墜猶存錄其巧工吳亡不知所在

夫人與姊俱輸織室權見而異之召充後宮得幸

拾遺記吳主潘夫人父坐法夫人輸入織室容態少儔爲江  
東絕色同幽者百餘人謂夫人爲神女敬而遠之有司聞於

吳主使圖其容貌夫人憂戚不食減瘦改形工人寫其真狀以進吳主見而喜悅以琥珀如意撫案則折嗟曰此神女也愁貌尙能感人況在歡樂乃命雕輪就織室納於後宮果以姿色見寵每以夫人遊昭宣之臺恣意幸適旣盡酣醉唾於玉壺中使侍婢瀉於臺下得火齊指環卽挂石榴枝上因其處起臺名曰環榴臺時有諫者云今吳蜀爭雄還劉之名將爲妖矣權乃翻其名曰榴環臺又與夫人遊釣臺得大魚吳主大喜夫人曰昔聞泣魚今乃爲喜有喜必有憂以爲深戒至末年漸相譖毀稍見離退時人謂夫人知幾其神釣臺基今尙存焉

乃勸權爲潘氏男亮納夫人亮遂爲嗣夫人立爲皇后

拾遺記孫亮作琉璃屏風甚薄而瑩澈每於月下清夜舒之  
常與愛姬四人皆振古絕色一名朝姝二名麗居三名洛珍  
四名潔華使坐屏風內而外望之如無隔唯香氣不通於外  
爲四人合四氣香殊方異國所出凡經踐躡宴息之處香氣  
沾衣漉年彌甚百浣不歇因名曰百濯香或以人名香故有  
朝姝香麗居香洛珍香潔華香亮每遊此四人皆同輿席來  
侍皆以香名前後爲次不得亂之所居室名爲思香嬀寢  
自吳典外戚貴盛莫及

典乃興字之譌

蔣溧陽侯

宋書州郡志溧陽漢舊縣吳省爲屯田



三國志注補卷五十一  
洪卒子邈嗣爲武陵監軍

寰宇記卷一百五武陵城在池州貴池縣東北二十五里孫  
休爲瑯琊王鎮武林城其後何邈爲武陵城都督卽此地林  
陵音同通用然邈爲監軍樂記云都督非也

注都叔父信時爲備海督

何云宋本信作植

番禺許之璇初校

番禺陶邵學覆校

南海桂銘球再覆校

三國志注補卷五十

三國志注補卷五十一

仁和趙一清謨

吳志宗室第六

是時太守王朗拒策於固陵

方輿紀要卷九十二西陵城在紹興蕭山縣西十二里本曰固陵水經注浙江東逕固陵城北昔范蠡築城於浙江之濱言可固守因名

便分軍夜投查瀆道襲高遷屯注臣松之案今永興縣有高遷

橋

查音祖  
加反

方輿紀要卷九十二查瀆在蕭山縣西南九里水經注浙江東逕查塘謂之查瀆高遷屯在縣東北五十里亦曰高遷亭

又名柯亭

十一年與周瑜共討麻保二屯破之

水經江水注白沙口一名沙屯卽麻屯口也本名蔑默口江浦矣南直蒲圻州水北入百餘里吳所屯也方輿紀要卷七十六麻屯口在武昌嘉魚縣陸口東保屯地蓋相近

自溧陽徙屯牛渚

方輿紀要卷二十七采石山亦曰采石圻在太平府西北二十五里又南里許曰牛渚山亦曰牛渚圻

瑜以永安人饒助爲襄安長無錫人顏連爲居巢長

後漢書郡國志襄安居巢屬廬江郡

瑜五子彌

瑜之子名彌而皎之子亦有名彌者同堂昆季不應同名彼此必有一誤

委廬江劉靖以得失

劉靖之名一見孫堅傳爲董卓司馬一見魏志劉馥之子也  
與此爲三

自帥吳碩張梁五千人爲軍前鋒降高城

方輿紀要卷七十八高城故城在荊州府松滋縣東漢所置  
縣屬南郡後漢廢入孱陵

以故主芳貴人邢氏妻之邢美色妬忌下不堪命遂共殺壹及  
邢氏壹入魏黃初三年死

何云魏志甘露二年以孫壹爲侍中車騎將軍假節交州牧

吳侯甘露四年十一月癸卯車騎將軍孫壹爲婢所殺黃初  
疑首尾之誤

孫賁字伯陽父羌字聖壹

壹字何字校改臺

注賁因而後免

何云宋本因作困

注父儒字仲孺

何云宋本孺作儒

鄰年九歲代領豫章

何云九歲無領郡理疑脫十字

重安長陳雷舒燮有罪

後漢書郡國志零陵郡重安故鍾武永建三年更名

注歆樂鄉督

晉書杜預傳遣牙門率奇兵襲樂鄉至吳都督孫歆帳下虜歆而還王濬先列上得歆頭預後生送歆洛中以為大笑

又從策討陵陽

方輿紀要卷二十七陵陽廢縣在池州府青陽縣南六十里漢縣屬丹陽

注徙輔置東

東下疑落泊字

注典略曰翊名儼

於文當云一名儼

注故列於後孫皓傳中

皓乃韶之譌

注時匡爲定武中郎將遣範令

遣氏何氏校改違

注禁固終身

固字何氏校改錮

晉以秀爲驍騎將軍儀同三司封會稽公

世說孫秀降晉晉武帝厚存寵之妻以姨妹蒯氏室家甚篤妻常妬乃罵秀爲貉子秀大不平遂不復入蒯氏大自悔責請救於帝時大放羣臣咸見旣出帝獨留秀從容謂曰天下曠蕩蒯夫人可得從其例不秀免冠而謝遂爲夫婦如初注

引太原郭氏錄曰秀字彥方晉書孝友傳孫晷字文度吳伏波將軍秀之曾孫也晷爲兒童未嘗被呵怒顧榮見而稱之謂其外祖辭兼曰此兒神用清審志氣貞立非常童也司空何充爲揚州檄晷爲主簿司徒蔡謨辟爲掾屬並不就尙書張國明州土之望表薦晷公車特徵會卒朝野嗟痛之

後爲將軍屯京城

方輿紀要卷二十五鎮江府後漢屬吳郡三國吳曰京口鎮建安十三年孫權自徙治丹徒號曰京城十六年遷建業復於此置京督爲重鎮京城今府治春秋之朱方也秦曰丹徒漢爲縣治

卽拜丞烈校尉



丞字何校改承

後爲廣陸太守偏將軍

陸乃陵字之諱

桓斬上兜道

兜當作夔水經江水注石門灘北岸有山山上合下開劉備爲陸遜所破走逕此門孫桓爲遜前驅斬上夔道截其要徑方輿紀要卷七十八石門山在歸州巴東縣東北三十五里山有石徑深若重門其下爲石門灘

注屯戍薄落

薄落園見徐盛傳

注慎子丞

何云丞當從晉書本傳作拯下同

注常使二人記事丞荅顧問

何云丞當作承

注皆當如今宗室丞顧榮疇也

何云如今御覽作令如

番禺許之璇初校

番禺陶邵學覆校

南海桂銘球再覆校

三國志注補卷五十二

仁和趙一清撰

吳志列傳第七

張昭字子布彭城人也

拾遺記張承之母孫氏懷承之時乘輕舟遊於江浦之際忽有白蛇長三尺騰入舟中母祝曰若爲吉祥勿毒噬我縈而將還置諸房內一宿視之不復見蛇嗟而惜之鄰中相謂曰昨見張家有一白鶴聳翮入雲以告承母母使筮之筮者曰此吉祥也蛇鶴延年之物從室入雲白下升高之象昔吳王闔閭葬其妹殉以美女珍寶異劍窮江南之富未及十年雕雲覆於谿谷美女遊於冢上白鶴翔於林中白虎嘯於山側

皆昔時之精靈今出於世當使子孫位超臣極擅名江表若  
生子可以爲名及生承名曰白鵠承生昭位至丞相輔吳將  
軍年踰九十蛇鵠之祥也山謙之丹陽記曰大長安道西張  
侯橋者本張子布宅也

昭皆南渡江

皆字何氏校改偕

注命昭別詩匡琦

詩乃討字之譌

注又督領諸將攻破豫章賊率周鳳等於南城

方輿紀要卷八十六江西建昌府南城縣附郭漢縣以在豫  
章郡城之南而名吳屬臨川郡

注吳錄曰昭與孫紹滕允鄭禮等採周漢撰定朝儀

孫紹卽孫長緒本作劭

權於武昌臨釣臺飲酒大醉

水經江水注樊山北背大江江上有釣臺權嘗極飲其上方  
與紀要卷七十六樊山下有寒溪中有蟠龍石山北背大江  
江上有釣臺卽孫權與羣臣會飲處又有避暑宮在寒谿上  
相傳孫吳所置釣臺在武昌縣北門外大江中孫權嘗駐兵  
於此又縣有大小回乃大江回曲處在樊口者曰大回在釣  
臺下者曰小回唐元結歌曰樊水欲東流大江又北來樊山  
當其南此中爲大回叢石橫大江人云是釣臺水石相衝擊  
此中爲小回

三國志卷五十二  
領丞相事煩而此公性剛

何氏從通鑑領改顧

改封婁侯

寰宇記卷九十婁湖在昇州江寧縣東南十里灌田二十餘頃水入艦澳通秦淮方輿紀要卷二十婁湖張昭所濬昭封婁侯故名又紀要卷二十四婁城在今崑山縣治東孫權封張昭於此

峻因誦孝經仲尼居昭曰嚴峻鄙生臣請爲陛下誦之乃誦君子之事上咸以昭爲知所誦

南史王儉傳齊高帝使陸澄誦孝經起自仲尼居儉曰澄所謂博而寡要臣請誦之乃誦君子之事上章蓋襲張子布事

也

會以直言逆旨

會一本作曾

至平州都督

平州在遼東此亦遙領

出爲長沙西部都尉

兩漢無長沙西部都尉疑是吳立孫亮太平二年分爲衡陽郡

宏因是譖訴下詔書賜休死時年四十一

晉書張閭傳昭曾孫閭字敬緒以佐翼元帝勳賜爵丹陽縣侯以討蘇峻功由尙書加散騎常侍賜爵宜陽伯遷廷尉拜



金紫光祿大夫卒年六十四

顧雍字元歎吳郡吳人也

顧炎武顧氏譜系考云越王句踐七世孫闔君搖漢封東甌  
搖別封其子爲顧余侯漢初居會稽爲顧氏顧族之著乃自  
東漢至孫吳時稱爲四姓自分會稽爲吳郡而後三國晉宋  
見於史者皆吳郡吳人一清案文選吳都賦高門鼎貴魁岸  
豪傑虞魏之昆顧陸之裔虞顧陸三姓皆見吳書而魏則無  
聞陸機吳趨行八族未足侈四姓實名家注引張勃吳錄云  
八族陳桓呂寶公孫司馬徐傳也四姓朱張顧陸也此四姓  
爲近之鼎錄曰顧雍鑄一鼎文曰顧元歎鼎八分書三足

注吳錄

一本錄下有曰字

注雍曾祖父奉字季鴻潁川太守

後漢書張霸傳霸爲會稽太守表用郡人處士顧奉公孫松等奉後爲潁川太守松爲司隸校尉並有名稱又儒林程曾傳曾還家講授會稽顧奉等數百人常居門下

州郡表薦弱冠爲合肥長

方輿紀要卷二十六建安四年孫策取合肥以顧雍爲合肥長五年曹操表劉馥爲揚州刺史時揚州獨有九江馥單馬造合肥建州治一清案自後孫權屢攻合肥不克遂爲重鎮太和六年滿寵更置新城終吳之世不能有淮南尺寸之土也

是歲改爲太常

魏黃初元年改奉常爲太常吳朝官制亦如之蓋孫權奉魏  
正朔時也

然於公朝有所陳及辭色雖順而所執者正

御覽卷四百五十四引梁祚魏國統曰雍諫權曰公孫淵未  
可信後必悔也權入禁中雍後隨之頓首曰此國之大事臣  
以死爭之權令左右扶出

注徐眾評曰

眾當作爰

注是以潘濬欲同手劍之

何云宋本作欲因會手劍之

長子邵早卒

邵當作劭世說曰劭爲豫章太守在郡卒雍盛集僚屬自園  
綦外啟信至而無兒書雖神氣不變而心了其故以爪招掌  
血流沾褥賓客既散方歎曰已無延陵之高豈可有喪明之  
責於是豁情散哀顏色自若

注仕吳爲黃門郎

晉書顧榮傳仕吳爲黃門侍郎太子輔義都尉孫桓傳注引  
文字傳亦云榮爲黃門侍郎也

注兄子禺字孟著少有名望爲散騎侍郎早卒

御覽卷四百六引蘇州志曰通賢橋東有吳丞相顧雍宅雍  
至孟著名著四代常居此宅門無雜賓投刺攝齊者不過一

時英俊

注乃拜徽巴東太守

是時巴漢尚屬劉璋此亦遙領

注子裕

雍次子名裕徽子不應又名裕此爲誤也

注悌命左右扶起

一本扶上有自字

注祕子眾尙書僕射

晉書顧眾傳眾字長始封鄱陽縣伯卒時年七十三諡曰靖  
又顧和字君孝眾之族子也曾祖容吳荊州刺史祖相臨海  
太守和總角便有清操族叔榮雅重之曰此吾家麒麟興吾

宗者必此子也時宗人球亦有令聞爲州別駕榮謂之曰卿  
速步君孝超卿矣

或言議而去或結厚而別

何云宋本言作諷厚作又

禁其淫祀非禮之祭者

志怪云顧劭爲豫章崇學校禁淫祀風化大行歷毀諸廟至  
廬山廟一郡悉諫不從夜聞有排大門聲怪之忽一人開閣  
逕前狀若方相自說是廬君劭獨對之鬼卽人坐劭善左傳  
鬼遂與劭談春秋彌夜不能相屈劭歎其精辨謂曰傳載晉  
景公所夢大厲者古今同有是物也鬼笑曰今大則有之厲  
則不然燈火盡劭不命取乃隨燒左傳以續之鬼頻請退劭

輒留之鬼本欲陵劭神氣湛然不可得乘鬼反和遜求復  
廟言旨懇至劭笑而不答鬼發怒而退顧謂劭曰今夕不能  
讐君三年之內君必衰矣當因此時相報劭曰何事怒怒且  
復畱談論鬼乃隱而不見視門閤悉閉如故如期劭果篤疾  
恒夢見此鬼來擊之並勸復廟劭曰邪豈勝正終不聽後遂  
卒

陽羨張秉生於庶民

何云御覽作民庶

秉雲陽太守

雲陽丹陽曲阿縣也豈權既復縣名又立郡邪

注太傅諸葛恪等雄奇蓋眾

等當作以

譚坐徙交州幽而發憤著新言二十篇其知難篇蓋以自悼傷也

隋經籍志顧子新語十二卷吳太常顧譚謨御覽卷七百七十五引顧譚別傳曰譚徙交趾初吳以罪徙者皆收家財入官及下獄簿其資唯有犢車一乘牛數頭奴婢不滿十人無尺帛珠金之寶上聞而嘉之皆以家財付叔文後

後爲吳郡西部都尉

吳郡西部都尉漢時未有亦吳所置沈約曰吳時分吳郡無錫以西爲毗陵典農校尉或先爲西部都尉後乃更爲典農校尉耳諸葛瑾傳注引吳書云新都都尉陳表吳郡都尉顧



承各率所領人會佃毗陵是其證也

別得精兵八千人還屯軍章阮

陳武傳亦作章阮陸機辨亡論是東坑

注時人謂之諸葛

以廣韻注校作時人謂徙居者爲諸葛

注風俗通曰葛嬰爲陳涉將軍有功而誅孝文帝追錄封其孫  
諸縣侯因并氏焉此與吳書所說不同

何云孝文時侯者十人無姓葛者高祖封樂毅後於一鄉嬰  
何功德而其孫乃食一縣此風俗通傳聞之謬也

注臣松之云以爲劉后以庸蜀爲關河

何云關河謂關中河內也

注行曹公移都之計

行字何氏校改紆

黃武元年遷左將軍督公安

方輿紀要卷七十八關羽使傅士仁守公安呂蒙來襲士仁降吳徙南郡治焉往往以重兵駐守

然聞皆選用忠良寬刑罰布恩惠薄賦省役以悅民心

晉書楊駿傳駿自知素無美望懼不能輯和遠近乃依魏明帝卽位故事遂大開封賞欲以悅眾則知曹叡嗣統之初曲媚人情宜其見輕於敵國也

比之於操萬不及也

比字何氏校改丕

注一門三方爲冠蓋天下榮之

世說云瑾弟亮及從弟誕並有盛名各在一國於時以爲蜀得其龍吳得其虎魏得其狗

注有所愛妾生子不舉其篤慎皆如此

何云生子不舉此非人情果崇不邇之德無姬侍可也

劉表所置蒼梧太守吳巨陰懷異心外附內違臨降意懷誘請與相見因斬之

水經浪水注引王氏交廣春秋曰建安十六年吳遣臨淮步騭爲交州刺史將武吏四百人之交州道路不通蒼梧太守長沙吳巨擁眾五千騭有疑於巨先使諭巨巨迎之於零陵遂得進州巨旣納騭而後有悔騭以兵少恐不存立巨有都

督區景勇略與巨同土爲用隲惡之陰使人請巨巨往告景  
勿詣隲隲請不已景又往乃於廳事前中庭俱斬以首徇眾  
又曰隲殺吳巨區景使嚴舟船合兵二萬下取南海蒼梧人  
衡毅錢博宿巨部伍興軍逆隲於蒼梧高要峽口兩軍相逢  
於是遂交戰毅與眾投水死者千有餘人一清案錢博後降  
於呂岱見岱傳水經注又引鄧德明南康記曰昔有盧耽仕  
州爲治中少棲仙術善解雲飛每夕輒凌虛歸家曉則還州  
嘗於元會至朝不及朝列化爲白鵠至闕前迴翔欲下威儀  
以石擲之得一隻履耽驚還就列內外左右莫不駭異時步  
隲爲廣州意甚惡之便以狀聞遂至誅滅

注權擢以爲選舉號爲得才

何云以爲下御覽有選曹尙書四字

重案深誣趨欲陷人

何云趨宋本作輒宋書五行志同

注後有呂範諸恪爲說臨所言

有字一作與何氏校作向

十一年卒

吳地記步騭墳在縣東北三里有石碑見存臨頓橋西南

闡累世在西陵

水經江水注江水出峽東南流逕故城洲洲附北岸洲頭曰郭洲長二里廣一里上有步闡故城方圓稱洲周迴略滿故城洲上城周五里吳西陵督步騭所築也孫皓鳳皇元年騭

息闢復爲西陵督據此城降晉

此四者不除未有能全也

也上一本有者字

注此五者未爲過人

五下何氏校增君字

番禺許之璇初校

番禺陶邵學覆校

南海桂銘球再覆校

三國志注補卷五十三

仁和趙一清誤

吳志列傳第八

卽表權爲討虜將軍領會稽太守曹公欲令紘輔權內附出紘爲會稽東部都尉

宋書州郡志臨海太守本會稽東部都尉前漢都尉治鄞後漢分會稽爲吳郡疑是都尉徙治章安也

注宜有紀頌以昭公義

義字何氏校改美

注金陵地形有王者都邑之氣故掘斷連岡改名秣陵

方輿紀要卷二十秦淮水在上元縣治東南三里秦始皇掘



斷連岡接石頭城處今方山石澁橫瀆是也建康實錄云秦淮水舊名龍藏浦有二源一發句容縣北六十里之華山南流一發溧水縣東南十五里之東廬山北流合於方山西經府城中至石頭城注大江其水經流三百里地勢高下屈曲自然不類人功疑非始皇所鑿也孫吳至六朝都城皆去秦淮五里其時夾淮立欄十餘里史所稱欄塘是也

紘著詩賦銘誄十餘篇

隋經籍志後漢討虜長史張紘集一卷梁二卷錄一卷

注所謂小巫見大巫神氣盡矣

何云莊子逸篇曰小巫見大巫拔茅而棄此其所以終身弗如

注尚書岑昏率公卿已下百餘人詣宮叩頭請罪尚得減死  
何云請下宋本有尚字一清案通鑑考異引三十國春秋以  
證請尚罪尚得免死正是岑昏

送建安作船

寰宇記卷百福州古閩越地漢立冶縣以越王冶鑄爲名屬  
會稽郡尋爲東冶縣後漢改爲侯官都尉後分治地爲會稽  
東南二都尉此爲南部都尉東部今臨海是也吳於此立典  
船都尉主謫徙之人作船於此宋書州郡志晉安太守晉太  
康三年分建安立領縣有原豐令太康三年省建安典船校  
尉立又有溫麻令太康四年以溫麻船屯立是

注廣陵劉穎與峻有舊穎精學家巷權聞徵之以疾不就其弟

略爲零陵太守

兩劉略一見孫皓傳

注元字彥黃下邳人也亦有學行

隋經籍志裴氏新言五卷吳大鴻臚裴元謨

闕澤字德潤會稽山陰人也

御覽卷四及卷三百六十引會稽先賢傳曰澤在母胞八月  
叱聲震外年十三夢見名字炳然在月中

家世農夫

方輿紀要卷九十一敢山在湖州府德清縣東北二十一里  
本名闕山吳丞相闕澤所居後譌爲敢

又著乾象麻注以正時日

隋經籍志乾象厓三卷吳闕澤撰梁有乾象厓五卷漢劉洪等注又有闕澤注五卷一清案劉昭補注律厓志引袁山松書曰劉洪字元卓泰山蒙陰人魯王之宗室也延熹中以校尉應太史徵拜郎中遷常山長史後爲上計掾拜郎中檢東觀著作律厓記遷謁者穀城門侯會稽東郡都尉徵還未至領山陽太守卒官洪善算當世無偶作七曜術及在東觀與蔡邕共述律厓記考驗天官及造乾象術十餘年考驗日月與象相應皆傳於世又宋厓志闕澤受劉洪乾象法於東萊故孫氏用乾象厓至於吳亡

著國語公羊穀梁傳注

隋經籍志春秋穀梁傳十三卷吳僕射唐固注又春秋外傳

國語二十一卷唐固注

孫權召綜爲五官中郎

郎下何氏從元板校增將字

及後錫光爲交阯任延爲九真太守乃教其耕犁使之冠履爲  
設媒官始知聘娶建立學校導之經義由此已降四百餘年  
何云自錫光任延至此尚未及三百年四字恐二字之譌  
及臣所見南海黃蓋爲日南太守

此別一黃蓋

巨武夫輕悍不爲恭所服取相怨恨

取字誤何氏從冊府元龜改輒

有士民之變

民當作氏謂士燮子微也

竊懼朝廷忽輕其選故敢竭愚情以廣聖思

綜之此言後多驗者水經溫水注古戰灣吳赤烏十一年魏  
正始九年交州與林邑於灣大戰初失區粟林邑建國起自  
漢末初平之亂象林功曹姓區有子名連攻其縣殺令自號  
爲王值世亂離林邑遂立後乃襲代傳位子孫三國鼎爭未  
有所附吳有交土與之鄰接進侵壽洽以爲疆界皆在呂岱  
召還之後亦見陸允傳區連梁書作區逵

屯半州

半州卽半洲城在九江府西九十里

昔孔子疾時託乘桴浮之語

何云浮下元板有海字

注後權賜綜紫綬囊綜陳讓紫色非所宜服

何云左傳良夫紫衣狐裘杜預注紫衣君服

六年春卒凡所著詩賦難論數萬言名曰私載又定五宗圖述二京解皆傳於世

隋經籍志辭綜集三卷錄一卷又注張衡二京賦二卷

懼墜大皇帝之元坊

坊乃功字之譌

皓遂召瑩還爲左國史

隋經籍志後漢紀六十五卷本一百卷晉散騎常侍辭瑩撰注王隱晉書曰瑩子兼字令長清素有器宇

晉書兼傳少與同郡紀瞻廣陵閔鴻吳郡顧榮會稽賀循齊  
名號爲五雋



三國志注補卷五十三

番禺許之璇初校

番禺陶邵學覆校

南海桂銘球再覆校

三國志注補卷五十四

仁和趙一清誤

吳志列傳第九

注張璠漢紀曰景父榮

據後漢書周榮傳當作景祖父榮榮字平孫子興爲郎中興子景

注不令恩偏稱一家也

稱後書作積

初孫堅興義兵討董卓徙家於舒

方輿紀要卷二十六周瑜城在廬州府舒城縣西十八里瑜從孫策舉兵徙家於舒因築此城今爲淨梵寺

策大喜曰吾得卿諧也遂從攻橫江當利皆拔之乃渡

何云元板卿下有事字渡下有江字

擊秣陵破笮融薛禮轉下湖孰江乘進入曲阿

方輿紀要卷二十周郎橋在江寧府東八十里相傳周瑜從  
孫策破秣陵下湖孰此其所經云

故求爲居巢長

居巢後入魏建安二十二年操軍居巢尋引還畱夏侯惇督  
二十六軍屯居巢是也

策自納大橋瑜納小橋

寰宇記卷百二十五舒州懷寧縣有橋公亭在縣北隔皖水  
一里漢末橋公有二女孫策與周瑜各納其一女亭基爲雙

溪寺

雷鎮巴邱

寰宇記卷一百九故巴山縣吳後主分新淦石陽兩縣置巴邱郡吳志周瑜鎮巴邱瑜堞今在新淦縣南方輿紀要卷八十七巴邱城今江西臨江府峽江縣治舊志在新淦縣南八十里峽江之東

注與後所平巴邱處不同

平字何氏校改卒

還備官亭

官亭當作宮亭卽宮亭湖也水經廬江水注廬山之北有石門水水出嶺端南嶺卽彭蠡澤西天子鄣也峯磴險峻人跡

罕及嶺南有大道順山而下有若畫焉傳云匡先生所通至江道巖上有宮殿故基者三以次而上最上者極於山峯山下又有神廟號曰宮亭廟故彭湖亦有宮亭之稱焉爾雅大山曰宮宮之爲名蓋起於此不必一由三宮也將士聞之皆恐懼延見羣下

何氏懼改權

權曰老賊欲廢漢自立矣

何氏從通鑑立下補久字

注曹公特見行人密問之日勅曰

一本曰作口

注煙炎張天

何云煙御覽作燐燐是飛火煙字誤也

注飛埃絕爛

何云埃字從安漢改煨言火之飛煨極其爛熳或言飛揚之灰絕滅之火也

注曹公退走

御覽卷七百七十一引英雄記曰曹操進軍至江上欲從赤壁渡江無船作竹籐使部曲乘之從漢水來下出大江注浦口未卽渡周瑜夜密使輕船走舸百艘艘有五十人施棹人持炬火持火者數千人萃於籐乃放火火然卽回船遠去須臾燒數千籐火起光上照天操乃夜走

與仁相對各隔大江

方輿紀要卷七十八大江在荊州府西南七里自四川夔州府巫山縣流入府界經巴東歸州夷陵宜都枝江縣境東南經府城城南七里又東經公安石首而入岳州府界

注卿分二千人追我相爲從夏水入截仁後

方輿紀要夏水在荊州府東南三十五里有夏水口乃夏水之首江之汜也亦謂之豫章口水經注江水又東得豫章口夏水所通也西北有豫章岡蓋因岡而得名

劉備以左將軍領荊州牧治公安

方輿紀要卷七十八油口在荊府公安縣西北三里孫權使周瑜領南郡太守而表劉備爲荊州牧瑜分備南岸地立營油口領零陵桂陽武陵長沙四郡油口在公安縣西北三里

刀劍錄曰周瑜作南郡太守造一刀背上有邊寇將軍字八分書又宋書州郡志巴陵太守領縣有下雋州陵長沙內史領縣有瀏陽漢昌後吳更漢昌曰吳昌

注臣松之案瑜欲取蜀還江陵治嚴所卒之處應在今之巴陵與前所鎮巴邱名同處異也

方輿紀要卷七十七巴邱城今岳州郡治相傳孫吳所築故城也初爲巴陵邸閣尋置巴陵縣吳地記周瑜墳在縣東二里

況於瑜身沒而未久

一本衍而字

而其子允降爲匹夫益可悼傷



何云度肩當年必有言父之功漏泄上聞者故權抑之如此  
若但以酬淫自可峻戒何至廢絕也

注往來南山中射獵

方輿紀要卷二十六桐城縣東北十里有魯磻山相傳魯肅  
曾居此

劉子揚與肅友善

子揚劉曄字鄭實事亦詳曄傳

後備詣京見權求都督荊州惟肅勸權借之共拒曹公

方輿紀要卷七十八荊州府江陵縣附郭本秦南郡之郢縣  
地輿志秦分郢爲江陽縣漢景帝三年改曰江陵爲臨江  
國治尋爲南郡治後漢因之郢城在府治東北三里楚舊都

也漢爲郢縣後漢省入江陵建安十三年曹操取荊州自當陽進軍江陵旣而敗於赤壁引軍北還畱曹仁等守江陵明年仁等屢爲周瑜所敗委城走孫權以瑜領南郡太守屯江陵明年瑜卒權始以荊州假劉備

注其辭乖異矣

矣一本作耳

肅初住江陵後下屯陸口威恩大行眾增萬餘人

水經江水注江之右岸得蒲磯口卽陸口也蓋陸水入江之處陸水卽雋水也方輿紀要卷七十七昌江山在岳州府平江縣東南二里一名魯德山魯肅嘗屯兵於此後人德之因名

拜漢昌太守

方輿紀要卷七十七平江縣本春秋羅國地秦爲羅縣漢因之屬長沙國後漢屬長沙郡建安十五年孫權析置漢昌縣并置漢昌郡郡尋廢改縣曰吳昌

肅住益陽與羽相拒

元和郡縣志益陽縣魯肅築也東門登之望見長沙城邑人馬形色宛然相去三百里故老云長沙益陽一時相望方輿紀要卷八十龜臺山在長沙益陽縣東南二里相傳魯肅曾駐兵於此又卷七十六太平城在武昌蒲圻縣西南八十里孫權遣魯肅征零陵時所築

注乃趨就羽

何云本傳曰邀會吳書曰趨就微異  
權爲舉哀又臨其葬諸葛亮亦爲發哀

何云旣交分不苟而結好孫氏專力治操惟子敬克諸故也  
寰宇記卷八十九潤州丹徒縣有魯肅墓續搜神記云王伯  
陽者家在京口東有大家傳是魯肅墓伯陽妻卒乃平其墳  
以葬焉經數年忽一日伯陽方在廳事中見一人乘肩輿從  
者數十輩逕前怒謂伯陽曰我魯子敬也冢在此二百許年  
矣君何敢輒相毀壞因目左右與之毒手從者遂牽伯陽下  
以刀環築之數百而去登時卽死良久乃蘇其環築處皆發  
疽爛尋卒

注手不釋卷

何云御覽卷作書

呂蒙字子明汝南富陂人也

後漢書郡國志作富陂

蒙年十五六竊隨當擊賊

寰宇記卷九十四湖州烏程縣西南三十里有石城山昔烏程豪族嚴白虎於山下壘石爲城與呂蒙戰所今山上有弩臺烽火樓之迹猶存

從討丹陽所向有功

方輿紀要卷二十五呂城在丹陽縣東五十四里相傳呂蒙所築城址尚存

領廣德長

宋書州郡志宣城太守領縣廣德何志云漢舊縣二漢志並  
無疑是吳所立

賜錢千萬

何云千字元板作十

蒙謂瑜普曰

何云瑜普宋本作諸將

領尋陽令

方輿紀要卷八十五九江府德化縣有尋陽城漢縣屬廬江  
郡吳屬蘄春郡三國時爲督護要津

注省三史諸家兵書

何云三史似指戰國策史記漢書

注蒙始就學篤志不倦其所覽見舊儒不勝

陳芬芸窗私記呂蒙讀書開西館以延俊髦其相訖揚識見日進孫權益重之今西館橋是也拾遺記呂蒙入吳吳主勸其學業蒙乃博覽羣籍以易爲宗常在孫策座上酣醉忽臥於夢中誦周易一部俄而驚起眾人皆問之蒙曰向夢見伏羲文王周公與我論世祚興亡之事日月貞明之道莫不精窮極妙未該元旨故空誦其文耳眾座皆云呂蒙嚙語通周易

又勸權夾水口立鵠所以備御甚精

方輿紀要卷二十九王氏希先曰三國鼎立南北瓜分之際兩淮間常爲天下戰場孫仲謀立塢濡須曹操先計後戰不

能爭也觀王氏之言則知子明之謀善也今人豔稱其襲取  
荊州之奇譎而不知其保障江淮之功大也

曹公遣朱光爲廬江太守屯皖大開稻田

寰宇記卷百二十五吳塘陂在舒州懷寧縣西二十里皖水  
所注此塘卽朱光所開一清案劉馥爲揚州刺史興治吳塘  
則不始於光也記又云呂蒙鑿石通水注稻田三百餘頃功  
利及人先未立廟里人以瀟山廟在吳陂之側因指名以祀  
焉

旣而張遼至夾石聞城已拔乃退

方輿紀要卷二十六南硤成在桐城縣西北百四十七里卽  
夾石山也漢建安十九年孫權攻皖張遼馳救至硤石聞城



已破築壘硤石南而還寰宇記卷一百二十五南硤成是古  
南廬州因名南

權曰驚鳥累百不如一鴞

何云鴞一本作鶚

權命蒙西取長沙零桂三郡蒙移書二郡望風歸服

何云孫氏自武烈爲長沙太守討平區星任用良吏又越境  
尋討零桂諸賊以全異國三郡懷之故移書卽下雖以昭烈  
之得人心不如其素服從於孫氏也子明小數豈得貪天功  
哉

權時住陸口

水經江水注陸水又入蒲圻縣北逕呂蒙城西昔孫權征長

沙零桂所鎮也寶宇記卷百十二呂蒙城在鄂州蒲圻縣西北卽呂蒙所築屯兵於此地屬鮎漬鎮

使普肅萬人

何云宋本作使魯肅將萬人

初蒙既定長沙當之零陵過鄱

方輿紀要卷八十一永州府零陵縣有呂蒙城是蒙所築又卷八十鄱湖在衡州府城東二十里湖水周三里深八尺湛然綠取水釀酒極甘美晉武帝平吳薦鄱酒於太廟吳都賦飛輕觴而酌鄱淥是也

權乃歸普等

郝普入吳仕至廷尉以隱蕃事見責自殺見胡綜傳而楊戲

傳以麋芳士仁郝普潘濬四叛同贊其不歸蜀可知矣此云  
權歸普等恐未實也

蒙乃密陳計策曰今征虜守南郡潘璋住白帝蔣欽將游兵萬  
人循江上下應敵所在蒙爲國家前據襄陽如此何憂於操何  
賴於羽且羽君臣矜其詐力所在反覆不可以腹心待也今羽  
所以未便東向者以至尊聖明蒙等尚存也今不於強壯時圖  
之一旦僵仆欲復陳力其可得邪

何云規取荊州是蒙本謀然此傳之語多不可信前據襄陽  
或取荊州之後復向襄樊若白帝在蜀潘璋何緣便可往住  
乎又此時蒙始逾四十亦未應便計一旦僵仆也又安溪云  
人之識見意計不同如此若專爲割據稱號謀者則蒙爲忠

矣

今操遠在河北新破諸袁撫集幽冀未暇東顧

何云尚熙之死在建安十二年魯肅歿於十年之後而此方云新破諸袁撫集幽冀不乖錯乎卽蒙陳此計在代肅之先曹公亦不得遠在河北矣作史之難也

託以糧乏擅取湘關米

方輿紀要卷七十五吳蜀分荊州以湘水爲界置關水上以通商旅謂之湘關又卷八十一湘口關在永州府北十里瀟湘二水合流處也

蒙至尋陽盡伏其精兵艤中

水經贛水注谷鹿洲卽蓼子洲也舊作大艤處北堂書鈔云

豫章城西南有舳艫洲是呂蒙作舳艫大艫處

注南郡太守麋芳城守蒙以仁示之遂降

何云觀仲翔之辱芳則吳書爲不審矣

西至漳鄉

孫權傳漳作章

以蒙爲南郡太守封孱陵侯

方輿紀要卷七十八呂蒙城在荊州府公安縣北二十五里

蒙當屯孱陵築城於此又孱陵城在公安縣西二十五里漢

縣屬武陵郡

注前後鼓吹

宋書樂志鼓吹軍樂也今之從行鼓吹爲騎吹二曲異也魏

晉世假諸將帥及牙門曲蓋鼓吹斯其時謂之鼓吹矣

封爵未下會蒙疾發

此漢二祖之靈所殲也何云安溪云緣此遂令仲謀稱臣于  
桓責質徵朝幾至狼狽向非先主君臣大義素明難得屈意  
和魏者則白帝之成不撤東西之好不脩權之折而入於魏  
不久矣蒙微幸之策亦殆矣哉安可以成敗論人而謂魯子  
敬之見真短於蒙乎

年四十二遂卒於內殿

寰宇記卷百十二鄂州嘉魚縣有呂蒙墓江夏記云蒲圻縣  
南對陸溪陸路口一名刀環山泝流八十里有呂蒙城城中  
有蒙墓盛宏之荊州記長沙蒲圻縣有呂蒙家中有一髑髏

極大蒙形長偉疑卽蒙觴體也何云周公瑾年止三十六魯  
子敬四十六呂子明四十二使子敬十年不死吳盟尙固襄  
樊舉而漢室復興矣

番禺許之璇初校

番禺附邵學覆校

南海桂銘球再覆校